

續修高要縣志稿卷一

續建置略

城池

解署

學校

壇廟

梁津

咸豐四年夏廣東土盜竊發奸民乘機倡亂秋七月襲據肇慶府城肇羅道李敦業死之肇協營把總黃琴勝死之五年夏四月都閩黃彬奉檄率舟師破賊賊遁乘勝克復署府郭汝誠邑令黃慶護定其亂 城池無毀壞亦無增修城外四圍貼近城牆房屋賊拆通之以自固僭居府道署以出令餘官衙盡毀之復城後氣象蕭條紳民共守迫崑提憲壽至迭經戒嚴加意整飭搭蓋葵蓬官軍屯

續修志稿

卷一

建置畧

一

宿器械修明旗鼓振肅望之又儼然重鎮也

下附

輿論前事以備考

或問高要爲附郭首邑昔制軍開府於此城池壯觀前志載之矣甲寅七月十二之變何爲而遽失也曰有由然也當日號爲雄鎮故兵額軍裝砲械火藥無異省垣自總督移駐省垣而勢漸輕矣太平日久上恬下嬉苟安者獲美名勤練者多怨聲兵日驕將日懈自軍興以來調省駐防者動以千百數調赴鄰省及各邑防禦者又動以千百數所存者老卒殘兵議添設新兵

倉庫空虚操練未就議團練鄉勇虛聲冒應上  
下相蒙則兵實有缺矣軍裝器械損折者未暇  
修尙存者多不適用城中更無大砲昔海寇張  
保之亂借給者久而不還嘆夷初次之變解省  
者往而不返官紳屢議及此卒無領回及解西  
餉竟不敢行借得琴沙砲臺大砲渡船銅砲然  
後啟行則居可知矣至火藥官製或未精良私  
造任其充斥凡此皆亂機也迨禍變已作任前  
府親赴省請兵領砲則已晚矣初制軍許令崔  
將官大同帶兵一千回肇繼見省垣事急遂止

命以洋砲二十尊交府帶回守城時省佛道棟  
遶甘竹灘回爲賊所截府被羈勒贖不返旬日  
間奸民降卒從逆益衆賄囑巡船兵勇賭匪內  
外交訐伍百結率逆數百人臨城下官軍閉守  
城上施砲交鬩片時而城已破矣豈非今昔異  
勢名存實亡之故哉可鑒也夫

紀失城

破城者首逆伍百結羣盜佐之旣而交爭互相  
吞噬最黠者何炳羣盜畏之伍逆反避之又十  
月有賊自梧州連檣而下號鯉魚仔賊首梁培  
友區潤等助伍逆攻何炳克之適縣令黃招集

鄉勇來克復郡城生擒何炳剗其心以祭李道  
羣盜將潰又爲鯉魚仔所蹙縣招伍逆與之偕  
降初欲就撫後懷疑不果五年省佛諸盜漸次  
削平匪黨多奔集郡城都府黃彬奉檄率師收  
復西北兩江四月朔自九江揚帆而上沿路克  
捷初五至馬口峽賊艇迎之皆破各鄉紳民團  
練應之俘獲甚衆賊知空城難守乘夜放火焚  
掠席捲西遁官軍追至梧州賊竄潯州未獲一  
首犯而返肇城民幸更生歎失城易而復城亦  
易也

紀復城

賊竄潯梧之明年死灰復燃又明年丁巳夏大  
水潯州陷秋梧州亦陷開建封川德慶廣甯相  
繼失守艇匪嘯聚於江濱山賊跳梁於村落廣  
州島夷肆虐府屬客匪披猖是時端城震恐幸  
崑提憲身當其厄有祿步砲臺戈船之捷艇匪  
不能東下復竄西江山賊前後蹂躪大逕兩次  
相持祿步平水間四十餘日糧盡竄逸兩年之  
間城危而復安者適有撫憲江公國霖來視師  
鎮撫調集兵勇規復梧州署道張公承諫邑令  
吳公信臣先後宣方共拯艱危民恃以旋定安

集不致流亡者官之賜也而張公督師德慶竟以身殉難尤可憫焉傳曰民保於城城保於德可不念哉

紀祿步大逕之變

咸豐十年春有江西潰匪數萬由廣西懷集賀縣厯廣甯四會趨三水高要時三水堵禦甚嚴賊未能遽窺省佛環攻四會二月中旬攻破高要大蓮塘鄉肆掠大圍一帶鄉村三月十六日攻破水坑鄉附城震動商民遷徙在籍工科給事中蘇廷魁職 欽差團練掌教端溪書院飛書制軍調集兵勇與崑提憲鎮撫城中準備戰

續修志稿

卷一

建置畧

四

守先命官紳相度水磯地方握其險要築砲臺二座外挑濠溝派兵勇四千餘堅壁持守賊屢窺覘畏黃參戎維寶師之整也不敢偏水路派舟師屯羚羊峽口自肇至省聲援相接山路自北嶺至大小湘添派鄉兵哨守迨潮州游擊卓興率兵勇五千至四會賊鋒頓挫城賴以安初賊之至也新任許令慶瑤奉檄治邑兼辦軍務馳驅補救甚力四閱月賊退民始歸耕流亡復業

業

紀蓮塘水坑之變

附錄歲貢陳立仁沙步中西堡團練紀事

甲寅夏秋之交洪逆倡亂四方響應七月高要  
新江匪起攻陷府城同時縣城十陷八九鄉村  
騷擾無虛日越歲餘乙卯四月郡城始克復餘  
黨乃平方六月十二逆始起事於佛鎮也肇城  
官紳皇皇設防商所以守禦之法先是鄉之東  
堡以居下游早設備六月二十被賊來攻稍肆  
焚掠賊去後仍防守如故因別出自蟠龍坊葉  
姓至陳陸姓爲沙步中西堡團練籌畫數日甫  
定稍備砲械七月初六賊已至時練勇淬厲力  
爲拒禦自己至申賊幾遁卒以鉛藥不繼被攻

入遭焚掠是役也一鄉團練析爲二力已分又  
濱江無險可阨東堡自顧不暇弗能救援堡內  
丁壯雖不下三四百人實則練勇五十人居先  
輔以有膽力者數十人約計不滿百敵賊幾三  
千奮前捕殺凡四閱時礮聲轟擊震於對河後  
計傷斃者共十餘人而練勇無一與焉賊已裂  
其頭船二號登時對仗斬殺無算雖敗猶榮時  
弗及報官而郡城尙無恙觀察李公聞其事於  
初九日遣專札褒勵焉然此猶隔嶺近賊耳十  
八日佛山賊至巨艘數百紅旗蔽江近村登岸

所至搜括成空旬日後避賊者漸返故居思欲  
聯屬一圍之勢以閏七月十五各村齊集壯勇  
會議於典水社學是日擒斬貝水梁進逆黨八  
人逆雖懷恨尙斂懼越二旬外隔嶺賊反山來  
攻蘇坑已失利又遙見合圍皆如約赴援悉遁  
去未幾典水七鄉有匪爲內應梁逆遂乘覺洩  
憤焚典水社學文閣並深入至鹿岡石灣等村  
焚廬舍二百餘間由是鹿岡銳氣頓挫各村亦  
祇自圖保守自亂起後道途梗阻人多坐困團  
練而外籌賞爲亟舉行平糶以靜人心而無知

輩仍有爲內匪所誘九月杪典水近村匪徒又  
將於墟上豎旗幸村人密報先發其謀合力遏  
沮得不成乃甫十月陳潮逆首率十餘巨舟至  
勒索矣知內地多貯平糶穀大爲覬覦人見其  
船堅礮巨皆震懼終無如何然其時黃令君已  
間道至水坑密徵鄉兵爲復城計差係人望四  
班各紳士帶鄉勇備糧食隨黃令屯於肇城之  
巖前村適鯉魚仔自西江下與何炳陳潮有隙  
先攻敗十一月初一黃令率勇攻賊大勝擒斬  
千餘殲何炳以祭死事諸官而陳潮幸逃去數

日間商議鯉魚仔投誠事卒中變反以初八攻官紳於巖前黃令退入大逕仍返水坑等處軍餉再圖克復是時中西堡設局半月餘矣前既堅明約束禁絕拜會人亦稍畏忌無何硯洲匪徒潛通逆黨於十二月初自郡城下攻三都近河之村如攬江幾爲盡炬殘害他村亦如之且攻殺至三日仍泊舟不去各皆失措彼倡此和豎旗之論又興同事諸人乃力持以鎮靜衆議寢息而三五內匪卒不能鼓衆起事自後米價騰貴搶米之風四起甚至串賊擄贖之事亦有

之然猶幸無再言豎旗者迨乙卯正月初鯉魚仔又來勒索時大府已命郭州牧攝肇慶府篆郭守初志甚銳飭速預鄉團以俟策應黃令君催辦軍餉又孔亟百費張羅然自過歲以來道途愈梗斗米幾至千錢故雖叠奉憲諭皆稍緩而專以安人心固根本無使平糶不繼反至滋變爲要旣而將屆四月間九江等處賊漸掃平成有喜色初四始探實黃遊府彬蘇千總海以乘勝之師進次馬口乃速辦白旗迎兵事當是時肇慶賊船千餘連日逃上之船亦千餘初三

日賊選其精悍者爲前軍分泊隄邊嚴整以待  
初五早日甫出賊船乃盡移至琴沙先發砲俄  
而東風大作官軍得利不移時巨礮攻裂其頭  
船三號遂大潰舍舟而逃近河之村咸出截殺  
江水幾赤肇賊聞敗掠財物燒東街乘夜遁上  
西江初六日郡城遂復黃令君以初七先至撫  
綏後二日郭守至城旣復由是籌辦善後卽設  
總局邑中人各解其鄉之匪而沙步至是亦合  
通圍爲一局澄清內匪搜其乘亂煽誘假賊勢  
以營私者辦二十餘人他村之匪亦視其罪或

解正法或罰懲均如例辦理凡七閱月始蕝事  
縣署前明郡守鄒光祚創建有記甚詳咸豐四年  
賊亂盡毀之五年復城縣令權借文武廟爲蒞事  
所軍務倥偬日不暇給紳民心切不安亟請修署  
代爲籌畫督修規模俱照舊式費白金六千兩有  
奇署未竣縣令黃慶護卒於寓所接任爲黃家仁  
始入署工修而實創似宜有記以俟賢明  
肇慶協鎮署督標左右前後四營參將署水師參  
將署俱咸豐十一年奉憲籌項修復

肇協都司署督標六營都守署俱同治元年奉憲

修復

大樹行臺道光五年總督阮元重建有賊亂毀之  
頭門僅存

記文 兩廣總督若明韓雍王守仁皆駐兵廣西  
梧州而廣東肇慶廣州皆有行臺嘉靖四十三年  
總督吳桂芳因東事重於西事始移駐肇慶以行  
臺爲署握六營勁兵爲兼顧之計誠據形勝也我  
大清乾隆十一年總督策楞始常駐廣州以廣州之行  
臺爲督署肇慶之署爲行臺臺中久無居人堂室  
朽壞三十年來更全傾圮阮元來此皆瓦礫場惟

續修志稿

卷一

建置畧

九

石獅碑礎僅存耳近來廣東全海肅清內地安豐  
廣西邊徼亦皆綏靖元屢以簡閱東西官兵往來  
肇慶止宿於閱江樓上因念此間爲兩省握要地  
總督署可移而兵不可移各營將尙皆有署乃總  
督於城中無一椽非政體道光五年於舊基重建  
行臺惟立門屏兩重堂室兩重取可以校武暫駐  
而已無多構也復於堂西開馬射之埒階上設步  
射之序階下可練小隊東南建帥字旗修復城南  
礮臺庶幾體制得宜而往來均便且重兵所在當  
務其本也堂前題名碑自乾隆九年後未續刻爰

書列之以續前而開後焉

按是年前邑志告成此記未刻故未有大樹行臺之名茲缺而不修舊跡湮矣阮文握六營勁兵爲兼顧之計署雖移而兵不可移各營將皆有署總督於城中無一椽非政體皆知本之言也後之覽者詳之

署舊有大樹今萎

提督軍門行署在城西內大街咸豐十一年肇慶七營官兵爲 宮保崑提憲壽興建因督師肇慶駐節日久誌甘棠也

肇慶府試院道光丁酉年重修展拓文場增坐號

續修志稿

卷一

建置畧

十

五百餘位

學使李星沅記

舊制樹人堂外有得綠亭堂右

有省心堂皆經賊略毀復城後署府郭汝誠命局紳籌項修復

閱江樓前府縣志載之綦詳自知縣陳聞炳修之更易材木益易傾壞縣丞陳銓復借作衙署數載加蠹焉道光間鄧制軍巡閱慨不能登陟屢議大修未果咸豐三年冬前道李敦業奉憲籌項興修購料具備工作過半四年秋賊亂毀之材木幾盡磚石僅存賊平劉道式恕有志修之言於勞制軍著官紳籌項隨時修補十一年勞制軍札委前新

會營參將梁顯揚漸次興修同治二年春工竣規模巍煥

天章昭回惟前人題詠詩歌聯額木勝銷燬殆盡不無江山文藻之感賴前府縣志錄存數篇尙令人流連不盡茲續錄阮制軍詩一章以倡後來云

阮詩 端州四次閱兵來今日春光晴復開著眼無非好山水置身難得此樓臺窓前嵐氣涼如雨枕底江聲隱似雷回首舊遊何處勝祇曾一榻卧天台

按閱江樓前志入古蹟茲附解署由制府巡閱

續修志稿

卷一

建置畧

士

多寓此也此次修費共銀三千兩有奇署縣郭溶撥捐助修銀一千兩另充公銀五百兩其餘皆委員梁顯揚捐支以總其成重修宜有記以俟椽筆

縣學宮道光十五年春重修十八年告成計費金

一萬兩有奇

拔貢彭泰來記

工竣有重修經費錄一卷刻

送各鄉四年賊亂頗遭毀壞賊平局紳奉憲籌項修復

府學宮道光九年冬重修十二年冬落成肇羅道許乃濟倡修知府金蘭原札十三屬官紳勸捐得

銀八千兩有奇知府珠爾杭阿先後總其成有記刻石  
高要董事呈聖廟輯略重修經費錄二卷命刻之  
置有青雲路外二十八舖地租及開平縣湯聲裕  
湯旭文送入恩平縣屬虎頭山田稅三十九畝二  
分七釐五絲一忽命府學司事歲收其租爲賓興  
計咸豐四年賊亂田租失收書版遭火燬凡學宮  
材木拆毀特甚賊平署府郭汝誠命局紳籌項修  
復費銀四百餘兩六年明倫堂尊經閣復爲風雨  
所壞由賊毀傷故也九年秋署道劉式恕署縣陸  
景清捐廉倡率修復

按虎頭山田租自四年賊亂失收至十一年辛  
酉科湯慎書湯奎書湯啟書復收是年租除納  
糧支用外得銀二十六兩三錢至省交司事買  
卷言此項尙可復收田租源委附刻於縣學賓  
興條例後俾郡學賓興之費有考焉

縣學節孝祠圯廢已久先是學宮之修議建未果  
道光二十五年知縣瑞寶捐廉重建殿撰林二十  
召棠記

八年邑人復合建節孝坊於祠外西邊巷曰節孝  
祠道

端溪書院道光二十六年運憲趙長齡率屬重修

官紳合捐銀五千五百餘兩屬紳士督修有記刻石舊有

欽頒書籍暨府憲楊希銓道憲許乃濟購置書籍分貯四櫃值亂俱失又有新修書院志版六卷亦遭火燬賊平署府郭汝誠將書院五年所收租項修復歷任名公卿山長留題聯額詩歌木榜多不復存惟石刻在耳

端江義學道光二十二年知縣陸孫鼎瑞寶相繼捐俸倡率紳士共修之此次賊亂無甚毀壞惟田租日減不加經理恐難爲繼耳

續修志稿

卷一

建置畧

三

龍圖書院本宋包孝肅公星巖書院舊址咸豐四年寶月臺寺僧從逆五年賊平署府郭汝誠改復書院祀孝肅公有序刻石同治元年五月肇羅道蔡燮書復星巖書院舊名

郭序 古來忠直之氣名臣得之建殊勲於當時表風範於後世雖千百年足以振頹起懦况會官其地教其民其風烈所遺尤能動婦孺之歌泣而生學士之敬服者乎端州山水古勁剛方嚴毅之氣鍾諸人文者爲能矯矯不靡於俗况益以宋包孝肅公之遺烈宜乎服教畏神相與東修磨礪以

有成也郡北郭舊建梵宇名寶月臺襟星巖之秀  
俯長江之流誠都會奧區也咸豐四年甲寅七月  
之變緇流從逆次年四月余權署斯郡重遊其地  
心焉傷之都人士請予曰改爲龍圖書院可乎余  
曰善爰顏其匾額正廳塑包孝肅公像爲饗堂後  
仍寶月臺舊址兩旁爲學舍割其最偏者仍爲佛  
殿存舊蹟也乃爲之詞曰改禪歸儒澤以詩書直  
臣芳烈訂頑砭愚聿文藝之爲未必砥礪乎廉隅  
願人材之蔚起惟正直之是趨庶幾乎頑石思義  
剛方嚴毅之操歌泣敬服之忱足以上追乎名臣  
而不愧乎宋之龍圖是爲序

續修志稿

卷一

建置畧

十四

新定章程開列

一查龍圖書院舊存前觀察竇撥入田產共稅十

八畝八分

內缺二分  
畝八分

向充燈油祭祀之費另新撥田

共稅五百六十九畝九分三釐

內除失去田稅共  
二百零四畝八分

五釐實存稅田塘共三百六十五畝一分二釐遞年

除納國課外約計穀租折銀九十兩除香燈門  
房司祝修葺等用外均充獎賞之資至所失之稅  
仍准尋荒抵補

一院內正座祀包孝肅公後座爲太和閣祀北帝

閣下爲寶月臺存名勝也東偏三間祀咸豐四年  
與難各官前觀察李敦業封川縣德祐開平縣慶  
樟鶴山縣馬斌前水師叅府崔大同肇慶協把總  
黃琴勝又東偏爲佛殿西偏三間高要縣景福圍  
紳民捐銀一百五十兩爲修復經費請專祀前觀  
察王柳溪亦盛事也最西偏爲城北文社城北人  
士買地興建星華山館崇祀

文武二帝悉仍其舊最東之附祀祠亦仍其舊

一院內現年延請山長每月課文均照端溪書院  
例每月官課一次其超等特等上取中取均從優

酌給獎賞師課兩次超等上取亦給獎賞俟籌款  
有緒公項充裕仍酌給生童膏火之資

一查縣內前寶觀察撥入田產向充祀典每年以  
二月十五日由紳士春祭一次但出息頗少每年  
八月秋祭酌在新撥賓興田產項內撥銀二十兩  
爲致祭各祠之費逐年報銷以昭公允

謹按郭憲碑刻章程用意良厚惜租入有限僅  
延請山長一年次年因經費不敷卽行停止七  
年將新撥田稅另行繪圖清丈八年底歸入賓  
興戶柱租銀亦盡入賓興刊刻條款以垂永久

又按書院東偏咸豐八年公議建爲賓興公所  
中奉

文昌魁星神位賓興每年撥送香油銀四兩交  
司祝前祀列憲神位遷歸正座孝肅公座右旁  
增祀殉難署肇羅道肇慶府知府承諫直廷張  
公孝肅公座右旁仍祀前肇羅道國華霽堂寶  
公增祀前署肇慶府知府汝誠葵圃郭公

縣學奎光閣在南城樓東乾隆二十年知府吳繩  
年建道光十五年修學宮增高前西向改正南向  
祀典租石已載前志同治元年冬歸安姚承輿先

續修志稿

卷一

建置畧

六

生來遊端州言於當道循舊址迤東八十弓斯爲  
吉地重新改建其工費皆署縣郭溶籌辦二年季  
夏落成

府學奎光閣一號端人文社嘉慶甲子年修建道  
光間遭火小修咸豐四年賊亂毀壞特甚九年集  
合府屬勸捐重修加高堂舍增建頭門祀典歲租  
已載前志增建另勒新碑

拔貢黃登瀛記 同治二年六月二十五夜雷

火發其上隨即支祀典租銀修復

按新碑祀典皆此次節省修費所置非府學固  
有之租亦非前建所遺之業如有變通須集衆

商議業詳載於碑茲復略書於志俾久遠可考焉

一買東街一股現開長盛生烟舖價銀四百五十三兩二錢每年租銀二十八兩

一買東街二股現開廣安故衣舖價銀四百八十四兩一錢另席金二兩一錢每年租銀三十六兩

一買東街三股現開怡源首飾舖價銀三百九十一兩每年租二十四兩閏月另加

一買東街四股現開安昌燈籠舖價銀二百二

續修志稿

卷一

建置畧

七

十六兩每年租銀一十七兩閏月另加

一建文社西邊地現開以材杉舖一間共支銀一百五十兩每年租銀三十二兩閏月另加

一建學前東街闡內現開剃頭舖一間支銀九兩九錢四分每年租銀三兩一錢二分

一文社西巷道現開全茂店搭蓋舖尾公議新立承批地租銀三兩 一泗隆店搭蓋舖尾公議承批租銀三兩

一文社館租無定價隨時公議每年僱工人一名司理香燈洒掃看守物件斷不可少其租除